

Cartas nordic

Un serie de photos de locationes in le paisés nordic
– e lor historia narrate in alcun lineas in interlingua como inspiration.



■ **Høje Taastrup, Danmark:** Imagina, si on poterea volar! In le tunnel vertical de vento presso Copenhagen Air Experience on lo pote, exactemente como Peter Pan. Il non es de bon mercato: duo vices un minuta costa quasi 500 coronas danese. Ma il vale le moneta. Post un instruction extense, on finalmente se vesti in le habito special de volar, e subito on vola. Le cinque grande propulsores suffla con usque 220 kilometros per hora, assi que on se senti sin peso e pote ascender in le turre de 13 metros con un diametro de 3,6 metros. (Il ha un rete in alto, assi que on non es jectate foras del tunnel!) Personas, qui salta con paracadita, anque usa le tunnel de vento pro lor trainamento.
Photo e texto: Thomas Breinstrup

Interlingua – communication sin frontieras
www.interlingua.dk | www.interlingua.com

© 2017

Questiones

1. Pote un homine vermente volar?

2. Que vide tu sur le photo?

3. De ubi veni le vento in le tunnel?

4. Pote on riscar volar via del centro?

5. Como on se senti, quando on vola?
